



**Circular No 381/2020
Dated 30 Oct 2020**

To Members of the Malaysian Bar and pupils in chambers

Notification of Court Operations in Johor Bahru

Reference is made to [Circular No 378/2020](#) entitled “COVID-19 Situation at Johor Bahru Courts in Menara MSC Cyberport” dated 30 Oct 2020.

The Chief Registrar of the Federal Court of Malaysia, Tuan Ahmad Terrirudin bin Mohd Salleh, has issued a [media statement](#) (see pages 3 to 4) today pertaining to court operations at Menara MSC Cyberport, Johor Bahru.

All court operations and service counters at Menara MSC Cyberport, Johor Bahru, will be suspended for 14 days effective from 1 Nov 2020 (Sunday) until 14 Nov 2020 (Saturday) for sanitisation works and relevant preventive measures.

During the suspension period, court operations and service counters will continue to adhere to the following:

- Cases are to be handled in accordance with the “Panduan Pengendalian Kes-Kes di Mahkamah Seluruh Malaysia Berikutan Perintah Kawalan Pergerakan di bawah Akta Pencegahan dan Pengawalan Penyakit 1988 dan Akta Polis 1967” ([Guidelines A, see pages 5 to 7](#)), which was issued on 17 Mar 2020.
- Online hearings for court proceedings are to be handled in accordance with the “Pemakluman Pendengaran Kes Secara Dalam Talian Semasa Tempoh Perintah Kawalan Pergerakan Tahun 2020” ([Guidelines B and C, see pages 8 to 11](#)), which were issued on 26 Mar and 24 Apr 2020.

However, the use of the above-mentioned Guidelines would need to be adjusted according to the needs of the courts involved.

Should you need assistance, please contact the following Court officers:

- (1) Puan Hasbi binti Hasan, Registrar of the High Court (03-8880 3702 / 012-209 8648 / hasbi@kehakiman.gov.my);
- (2) Tuan M. Bakri bin Abd Majid, Registrar of the Lower Court (03-8880 9418 / 019-985 1333 / mbakri@kehakiman.gov.my);
- (3) Tuan Mohamad Haldar bin Abd. Aziz, Director of the Johore State Court (012-769 6352 / haldar@kehakiman.gov.my);
- (4) Puan Azureen Sahira binti Sauffee, Deputy Administrative Registrar of the Johor Bahru Court (019-310 8313 / azureen@kehakiman.gov.my); and

(5) Tuan Mohd. Zulhilmi bin Ibrahim, Senior Assistant Registrar of the Johor Bahru Lower Court (012-723 4443 / zulhilmi@kehakiman.gov.my).

We hope that the information provided here is of assistance.

Stay safe.

A G KALIDAS
Secretary
Malaysian Bar



**PEJABAT KETUA PENDAFTAR
MAHKAMAH PERSEKUTUAN MALAYSIA
ISTANA KEHAKIMAN
PUTRAJAYA**

KENYATAAN MEDIA

**PENANGGUHAN SEMENTARA OPERASI MAHKAMAH TINGGI SIVIL, MAHKAMAH
RENDAH SIVIL, PUSAT MEDIASI MAHKAMAH SERTA KAUNTER-KAUNTER
PERKHIDMATAN MAHKAMAH DI MENARA MSC CYBERPORT, JOHOR BAHRU**

Merujuk kepada kes positif COVID-19 di Mahkamah Johor Bahru yang bertempat di Menara MSC Cyberport, No. 5 Jalan Bukit Meldrum, 80300 Johor Bahru, Johor ("Menara MSC Cyberport"), YAA Ketua Hakim Negara Tun Tengku Maimun binti Tuan Mat telah mengarahkan agar operasi Mahkamah dan kaunter-kaunter perkhidmatan Mahkamah di Menara MSC Cyberport ditangguhkan selama empat belas (14) hari berkuat kuasa pada **1 November 2020 hingga 14 November 2020** bagi menjalankan kerja-kerja sanitasi dan langkah-langkah pencegahan yang berkaitan.

Sepanjang penangguhan sementara operasi Mahkamah dan kaunter-kaunter perkhidmatan tersebut, **Panduan Pengendalian Kes-Kes di Mahkamah Seluruh Malaysia Berikutan Perintah Kawalan Pergerakan di bawah Akta Pencegahan dan Pengawalan Penyakit 1988 dan Akta Polis 1967** yang dikeluarkan oleh Pejabat ini pada 17 Mac 2020 dan **Pemakluman Pendengaran Kes Secara Dalam Talian Semasa Tempoh Perintah Kawalan Pergerakan Tahun 2020** yang dikeluarkan oleh Pejabat ini pada 26 Mac 2020 dan 24 April 2020 adalah terpakai.

Bagaimanapun, pemakaian panduan di atas perlulah diubah suai dengan mengambil kira keperluan Mahkamah masing-masing dan tarikh pemakaian.

Sekiranya agensi kerajaan, peguam dan orang awam mempunyai sebarang pertanyaan mengenai perkara di atas, bolehlah menghubungi Pendaftar dan Pegawai Mahkamah seperti berikut:

- (a) **Mahkamah Tinggi Malaya**
Puan Hasbi binti Hasan
Pendaftar Mahkamah Tinggi Malaya
03-88803702 / 012-2098648 / hasbi@kehakiman.gov.my

- (b) **Mahkamah Rendah Malaya**
Tuan M. Bakri bin Abd Majid
Pendaftar Mahkamah Rendah Malaya
03-88809418 / 019-9851333 / mbakri@kehakiman.gov.my

- (c) **Mahkamah Negeri Johor**
Tuan Mohamad Haldar bin Abd. Aziz
Pengarah Mahkamah Negeri Johor
012-7696352 / haldar@kehakiman.gov.my

- (d) **Mahkamah Negeri Johor**
Puan Azureen Sahira binti Sauffee
Timbalan Pendaftar Pentadbiran Mahkamah Johor Bahru
019-3108313 / azureen@kehakiman.gov.my

- (e) **Mahkamah Negeri Johor**
Tuan Mohd Zulhilmi bin Ibrahim
Penolong Kanan Pendaftar Mahkamah Rendah Johor Bahru
012-7234443 / zulhilmi@kehakiman.gov.my

Terima kasih.

**Pejabat Ketua Pendaftar
Mahkamah Persekutuan Malaysia
Istana Kehakiman
Putrajaya**

Tarikh: 30 Oktober 2020



**PEJABAT KETUA PENDAFTAR
MAHKAMAH PERSEKUTUAN MALAYSIA
ISTANA KEHAKIMAN
PUTRAJAYA**

KENYATAAN MEDIA

**PANDUAN PENGENDALIAN KES-KES DI MAHKAMAH SELURUH MALAYSIA
BERIKUTAN PERINTAH KAWALAN PERGERAKAN DI BAWAH AKTA
PENCEGAHAN DAN PENGAWALAN PENYAKIT 1988 DAN AKTA POLIS 1967**

Bagi memastikan akses kepada keadilan (*access to justice*) dan selaras dengan pelaksanaan Perintah Kawalan Pergerakan di bawah Akta Pencegahan dan Pengawalan Penyakit 1988 dan Akta Polis 1967 yang telah diumumkan oleh YAB Tan Sri Dato' Haji Muhyiddin bin Haji Mohd. Yassin, Perdana Menteri pada 16 Mac 2020 yang melibatkan penutupan premis kerajaan, berikut adalah panduan pengendalian kes-kes di mahkamah seluruh Malaysia bermula 18 Mac 2020 sehingga 31 Mac 2020:

a) Perbicaraan / Pendengaran Kes Sivil dan Jenayah

Semua perbicaraan / pendengaran kes sivil dan jenayah sepanjang tempoh 18 Mac 2020 hingga 31 Mac 2020 adalah ditangguhkan dan penetapan tarikh perbicaraan / pendengaran yang baharu akan dimaklumkan kemudian.

b) Pemfailan / Pengurusan Kes Sivil

- i) Bagi mahkamah yang menggunakan sistem eKehakiman, pemfailan kes-kes sivil baharu / notis rayuan dan dokumen-dokumen akan berjalan seperti biasa melalui sistem eFiling.
- ii) Bagi mahkamah yang tidak mempunyai sistem eKehakiman, pemfailan kes-kes sivil baharu dan dokumen-dokumen akan hanya diterima mulai

- 1 April 2020. Bagi kes-kes Mahkamah Sesyen yang memerlukan kesegeraan, pemfailan boleh dibuat di mahkamah berdekatan yang mempunyai sistem eKehakiman di negeri berkenaan. Sebagai contoh, bagi kausa tindakan di Bangi, kes tersebut boleh difailkan melalui sistem eKehakiman di Mahkamah Shah Alam.
- iii) Bagi permohonan perakuan segera di Mahkamah Persekutuan, Timbalan Kanan Pendaftar / Timbalan Pendaftar akan mengendalikan dokumen perakuan segera dan mendapatkan arahan selanjutnya daripada YAA Ketua Hakim Negara.
 - iv) Bagi permohonan perakuan segera di Mahkamah Rayuan, Pendaftar Mahkamah Rayuan / Timbalan Kanan Pendaftar akan mengendalikan dokumen perakuan segera dan mendapatkan arahan selanjutnya daripada YAA Presiden Mahkamah Rayuan.
 - v) Bagi permohonan perakuan segera di Mahkamah Tinggi, Timbalan Pendaftar (Pentadbiran / Pengurus) atau Penolong Kanan Pendaftar (Pentadbiran / Pengurus) akan mengendalikan dokumen perakuan segera dan mendapatkan arahan selanjutnya daripada YA Hakim / Pesuruhjaya Kehakiman yang bertugas.
 - vi) Bagi permohonan perakuan segera di Mahkamah Sesyen, Penolong Kanan Pendaftar Mahkamah Rendah akan mengendalikan dokumen perakuan segera dan mendapatkan arahan selanjutnya daripada Pengarah Mahkamah Negeri.
 - vii) Pengurusan kes sivil secara eReview akan terus dijalankan seperti biasa secara dalam talian (*online*) manakala pengurusan kes sivil secara manual akan ditangguhkan dan akan diberikan tarikh yang baharu.

c) Pengurusan Kes Bagi Kes-Kes Jenayah di Mahkamah Persekutuan dan Mahkamah Rayuan

Pengurusan kes jenayah di Mahkamah Persekutuan dan Mahkamah Rayuan adalah ditangguhkan dan penetapan tarikh baharu akan dimaklumkan kemudian.

d) Pengurusan Kes Bagi Kes-Kes Jenayah di Mahkamah Rendah

i) Permohonan Reman

Permohonan untuk tahanan reman di bawah seksyen 117 Kanun Tatacara Jenayah, seksyen 259 Kanun Tatacara Jenayah dan di bawah Akta Imigresen 1959/1963 akan dijalankan seperti biasa mengikut jadual bertugas yang telah ditetapkan.

ii) Pendaftaran Kes-Kes Baharu

Jika terdapat keperluan untuk pendaftaran kes baharu, Pegawai Penyiasat hendaklah memaklumkan lebih awal kepada Hakim Mahkamah Sesyen dan Majistret yang bertugas bagi tujuan persediaan oleh mahkamah. Pengarah Mahkamah Negeri hendaklah menyediakan jadual bertugas pegawai dan kakitangan sepanjang tempoh Perintah Kawalan Pergerakan berkuat kuasa. Sesalinan jadual bertugas tersebut hendaklah dikemukakan kepada Ketua Polis Negeri dan Pengerusi Jawatankuasa Peguam Negeri masing-masing.

iii) Permohonan Jamin

Bagi kesalahan yang boleh dijamin, Pengarah Mahkamah Negeri hendaklah memastikan urusan jamin dapat diproses seperti biasa.

Sekian, terima kasih.

Disediakan oleh:
Unit Komunikasi Korporat
Istana Kehakiman
PUTRAJAYA
17 Mac 2020



**PEJABAT KETUA PENDAFTAR
MAHKAMAH PERSEKUTUAN MALAYSIA
ISTANA KEHAKIMAN
PUTRAJAYA**

KENYATAAN MEDIA

**PEMAKLUMAN PENDENGARAN KES SECARA DALAM TALIAN SEMASA
TEMPOH PERINTAH KAWALAN PERGERAKAN
(MOVEMENT CONTROL ORDER) TAHUN 2020**

Selaras dengan tempoh lanjutan pelaksanaan Perintah Kawalan Pergerakan (*Movement Control Order*) sehingga 14 April 2020 yang telah diumumkan oleh YAB Tan Sri Dato' Haji Muhyiddin bin Haji Mohd. Yassin, Pejabat Ketua Pendaftar Mahkamah Persekutuan memaklumkan bahawa Kenyataan Media bertarikh 17 Mac 2020 hendaklah terpakai sehingga 14 April 2020.

Bagi memastikan akses kepada keadilan (*access to justice*) semasa tempoh lanjutan Perintah Kawalan Pergerakan tersebut, semua pihak boleh memohon kepada Mahkamah yang berkenaan untuk pendengaran kes sivil secara dalam talian (*online hearing*) dengan menggunakan sistem e-Review, pertukaran e-mel atau sidang video atas syarat-syarat berikut:

- (i) dengan persetujuan pihak-pihak; dan
- (ii) kebenaran permohonan ini adalah tertakluk kepada budi bicara Mahkamah.

Prosiding yang boleh dipohon untuk didengar secara dalam talian adalah:

(a) Mahkamah Tinggi Malaya dan Mahkamah Rendah di Semenanjung

Semua permohonan pendengaran permohonan *ex-parte* atau *inter-partes* yang difailkan bersama perakuan segera.

(b) Mahkamah Tinggi dan Mahkamah Rendah di Sabah dan Sarawak

Semua prosiding termasuk sebutan, permohonan, bicara, rayuan, mediasi, pengurusan kes, klarifikasi dan keputusan yang mana tarikh telah ditetapkan adalah secara e-Review atau sidang video.

Permohonan untuk pendengaran secara sidang video hendaklah dibuat kepada pihak Mahkamah melalui e-mel sekurang-kurangnya 3 hari sebelum tarikh pendengaran atau sebagaimana yang diarahkan oleh Mahkamah.

Pihak-pihak hendaklah berpakaian sopan dan yang bersesuaian semasa prosiding secara sidang video.

Sekian, terima kasih.

Disediakan oleh:
Unit Komunikasi Korporat
Pejabat Ketua Pendaftar
Mahkamah Persekutuan
Istana Kehakiman
PUTRAJAYA
26 Mac 2020



**PEJABAT KETUA PENDAFTAR
MAHKAMAH PERSEKUTUAN MALAYSIA
ISTANA KEHAKIMAN
PUTRAJAYA**

KENYATAAN MEDIA

**PEMAKLUMAN PENDENGARAN KES SECARA DALAM TALIAN SEMASA
TEMPOH PERINTAH KAWALAN PERGERAKAN (PKP) TAHUN 2020**

Selaras dengan pelanjutan tempoh Perintah Kawalan Pergerakan (PKP) dari 29 April 2020 sehingga 12 Mei 2020 yang telah diumumkan oleh YAB Tan Sri Dato' Haji Muhyiddin bin Haji Mohd. Yassin, Pejabat Ketua Pendaftar Mahkamah Persekutuan Malaysia memaklumkan bahawa kenyataan media bertarikh 17 Mac 2020 dan 26 Mac 2020 adalah terpakai sehingga 12 Mei 2020.

Bagi memastikan akses kepada keadilan adalah berterusan semasa tempoh lanjutan Perintah Kawalan Pergerakan ini, adalah dimaklumkan bahawa bagi kes-kes di **Mahkamah Persekutuan dan Mahkamah Rayuan**, pihak-pihak boleh memohon agar kes didengar secara dalam talian.

Manakala bagi **Mahkamah Tinggi Malaya**, terdapat tambahan senarai prosiding yang boleh didengar secara dalam talian bermula 4 Mei 2020 iaitu:

- a) Atas Permohonan Pihak-Pihak:
- (i) Bicara rayuan interlokutori (Kod 11A dan 12A);
 - (ii) Permohonan interlokutori yang tidak dicabar;
 - (iii) Permohonan interlokutori yang dicabar tetapi ringkas dan pendek; dan
 - (iv) Rayuan kepada Hakim dalam kamar terhadap keputusan Timbalan Pendaftar / Penolong Kanan Pendaftar.

- b) Bagi penyampaian keputusan selepas perbicaraan, Mahkamah Tinggi Malaya akan memaklumkan kepada pihak-pihak tarikh keputusan yang akan disampaikan secara dalam talian; dan
- c) Atas inisiatif Mahkamah atau atas permohonan mana-mana pihak, semua mediasi boleh dikendalikan secara dalam talian.

Sekian, terima kasih.

Unit Komunikasi Korporat

Pejabat Ketua Pendaftar

Mahkamah Persekutuan Malaysia

Tarikh: 24 April 2020